



**Pecyn Cais am Swydd
Cydlynnydd Gwirfoddolwyr**



Rubicon Dance
Stryd Nora
Caerdydd
CF24 1ND

02920 491477
info@rubicondance.co.uk
www.rubicondance.co.uk

Annwyl Ymgeisydd

Diolch i chi am fynegi diddordeb mewn gweithio gyda Rubicon Dance yn ein rôl newydd ei chreu fel Cydlynnydd Gwirfoddolwyr. Mae hwn yn gyfle cyffrous i gydlynu rhaglen wirfoddoli newydd ar gyfer Rubicon Dance.

Mae Rubicon Dance yn bodoli i ddatgloi hunanfynegiant fel y gall bobl ddarganfod eu potensial, teimlo cymhelliant a chysylltiad â'r byd. Credwn y dylai pawb gael y cyfle i feithrin eu talentau unigol. Dyna pam ein cenhadaeth yw herio safbwyntiau traddodiadol o'r hyn y mae'n golygu i ddawnsio; boed hynny'n lle yr ydym yn dawnsio, gyda phwy yr ydym yn dawnsio, neu sut olwg sydd ar fynegiant artistig.

Fel llawer o sefydliadau celfyddydol, mae Rubicon wedi dod trwy sawl cyfnod heriol dros y blynyddoedd diwethaf ond rydym wedi bod yn ymgymryd â phroses eang o adnewyddu ac ailstrwythuro sydd wedi ein harwain i adennill persbectif cadarnhaol, a'r hyder i greu rolau deinamig newydd o fewn y sefydliad.

Yn y pecyn hwn mae gwybodaeth gefndir, ynghyd â'r manylion ymarferol sydd eu hangen arnoch i wneud cais am y swydd. Os oes gennych unrhyw gwestiynau, neu os hoffech sgwrs anffurfiol a chyfrinachol am y rôl, cysylltwch â ni i drefnu hyn drwy anfon e-bost at info@rubicondance.co.uk. Am fwy o wybodaeth am Rubicon Dance, ymwelwch â'n gwefan www.rubicondance.co.uk.

Diolch eto am eich diddordeb yn Rubicon Dance. Edrychwn ymlaen at dderbyn eich cais.

Yn gywir,

A handwritten signature in black ink, appearing to read 'Simon Morris', with a long horizontal stroke extending to the right.

Simon Morris
Prif Swyddog Gweithredol
Rubicon Dance



Teitl Swydd: Cydlynnydd Gwirfoddolwyr

Rhan-amser (17.5 awr yr wythnos)

Cyflog: £28,000 y flwyddyn pro rata (£14,000 y flwyddyn)

Yn adrodd i: Rheolwr Gweithrediadau

Yn gyfrifol am: Gwirfoddolwyr

Pwrpas cyffredinol y rôl hon:

Mae'r Cydlynnydd Gwirfoddolwyr yn gyfrifol am ddatblygu, cydlynu a chefnogi rhaglen wirfoddolwyr o safon uchel o fewn Rubicon Dance er mwyn sicrhau bod gwirfoddolwyr yn cael eu cynnwys yn effeithiol ar draws pob maes o'r sefydliad. Byddwch yn goruchwylio recriwtio, cynefino, hyfforddi a chefnogi gwirfoddolwyr yn barhaus, gan sicrhau eu bod yn hyderus, yn wybodus ac yn meddu ar yr adnoddau i gyfrannu'n ystyrion at waith Rubicon o fewn yr adeilad ac mewn lleoliadau allanol.

Byddwch yn gyfrifol am weithredu prosesau clir sy'n galluogi gwirfoddolwyr i ffynnu, gan gynnwys diogelu, cydymffurfiaeth a chyfathrebu rheolaidd. Bydd deiliad y swydd yn gweithio'n agos gydag ystod eang o dimau mewnol a rhanddeiliaid allanol, gan gynnwys grwpiau cymunedol, elusennau, gwasanaethau cyhoeddus a sefydliadau partner, i feithrin perthnasoedd cryf sy'n cryfhau ymgysylltiad gwirfoddolwyr, ehangu cyfranogiad a chefnogi canlyniadau sefydliadol Rubicon. Trwy gydlynu effeithiol a meithrin perthnasoedd, bydd y Cydlynnydd Gwirfoddolwyr yn cyfrannu at gryfhau ymhellach enw da Rubicon fel sefydliad croesawgar, cynhwysol a chefnogol o fewn y gymuned ac ar draws y sector.

Sut i Wneud Cais: anfonwch CV a llythyr eglurhaol at info@rubicondance.co.uk

Dyddiad cau ar gyfer ceisiadau: Hanner nos, dydd Mercher 27 Mai 2026

Cyfweliadau: w/y 8 Mehefin 2026

Dylai eich llythyr eglurhaol esbonio pam eich bod yn meddwl eich bod chi'n addas ar gyfer y swydd a dangos eich profiad a'ch sgiliau yn unol â Manyleb y Person yn adran Disgrifiad y Swydd. Gallwch gyflwyno hyn ar ffurf ysgrifenedig, trwy fideo neu ffeil sain, neu mewn unrhyw ffordd arall sy'n hygyrch i chi.

Ni ddylai llythyrau ysgrifenedig fod yn fwy na dwy dudalen.

Ni ddylai ceisiadau fideo/sain fod yn hwy na 10 munud.

Os hoffech wneud cais mewn fformat arall, cysylltwch â ni.

Mae Rubicon Dance yn gyflogwr Cyfleoedd Cyfartal ac wedi ymrwymo at wella ei amrywiaeth i adlewyrchu'r cymunedau y mae'n eu gwasanaethu. Rydym yn croesawu ceisiadau gan bobl o bob cefndir ac yn annog yn arbennig unigolion sydd â safbwyntiau a phrofiadau amrywiol i wneud cais.



Os oes gennych unrhyw gwestiynau ynghylch y rôl hon, mae croeso i chi anfon e-bost at Rubicon Dance at info@rubicondance.co.uk, neu ffoniwch 02920 491477.

Am Rubicon Dance



Rubicon Dance yw'r sefydliad dawns gymunedol hynaf yng Nghymru ac wedi bod yn darparu dawns i bobl o bob oedran a gallu ers 1975. Rydym yn darparu cyfleoedd i ddawnsio i bobl a chymunedau ledled Caerdydd, Casnewydd, a Bro Morgannwg, ac rydym wedi adeiladu enw da cryf a gydnabyddir yn genedlaethol am ein gwaith mewn ysgolion, lleoliadau gofal cymdeithasol ac iechyd, a lleoliadau cymunedol o bob math, yn ogystal ag yn ein stiwdios pwrpasol ein hunain yn Adamsdown.

Mae Rubicon yn datblygu ac yn cefnogi'r sector dawns yng Nghymru drwy ddarganfod, meithrin a churadu talent ble bynnag y bo. Rydym yn darparu amrywiaeth o lwybrau dilyniant i ddawnsywyr o bob oedran, gan eu galluogi i archwilio eu cariad tuag at ddawns a ffynnu'n greadigol. Trwy ein grwpiau perfformio a chyrsgau addysg ffurfiol ac anffurfiol, rydym yn annog unigolion i ddatblygu eu sgiliau artistig, ac rydym yn darparu datblygiad proffesiynol parhaus a rhwydweithio i'r gweithlu dawns ledled Cymru trwy ein Rhaglen Hyfforddiant Cymru Gyfan.

Ein gweledigaeth yw Cymru amrywiol, fywiog a chynhwysol lle gall unrhyw un, yn unrhyw le, mwynhau llawenydd a buddion dawns, i'w llawn botensial a dyhead.



Mae ein gwaith yn y gymuned yn dod â chyfleoedd ysbrydoledig, cynhwysol, diogel a dengar i ddawnsio a symud i bobl yng Nghaerdydd a De Cymru, yn enwedig y rheini a fydd efallai yn wynebu rhwystrau rhag dawnsio. Trwy ein gwaith addysg a gyrfa, rydym yn darparu datblygiad sgiliau, llwybrau dilyniant gyrfa ac addysg ddawns ardderchog i ddarparu ddawnsywyr proffesiynol a dawnsywyr proffesiynol presennol.

Ein gweithgareddau elusennol

Gwrthrychau elusennol Ymddiriedolaeth Theatr Dawns Cymru yn masnachu fel Rubicon Dance yw:

Er budd y cyhoedd, i faethu, hybu a chynyddu diddordeb y cyhoedd yn wybodaeth, dealltwriaeth ac ymarfer dawns (gan gynnwys ond heb fod yn gyfyngedig i ddawns gyfoes, dawns gymunedol, a ffurfiau dawns fodern eraill) ac i hybu, helpu a darparu cyfleusterau ar gyfer cyflwyniadau o ddawnsio o'r fath a hyfforddi dawnsywyr a choreograffwyr.

Er mwyn gallu cyflawni ein pwrpas, rydym yn ymgymryd â gweithgareddau o fewn tair prif raglen:

Addysg

Mae'r gwaith hwn yn cynnwys ein Rhaglen Dawns Ifanc, lle rydym yn darparu hyfforddiant dawns TGAU yn ogystal â'n cwrs dawns llawn amser (BTEC Iefel 3 Diploma Estynedig). Mae'r ddau gwrs yn paratoi pobl ifanc dawnsus o Gymru ar wahanol gamau eu datblygiad ar gyfer mynediad i addysg uwch a'r prif gonservatoires. Cynllunnir y rhaglen TGAU hefyd i ganfod talent drwy weithio gydag ysgolion uwchradd a darparu hyfforddiant dawns o ddwysedd uchel er mwyn annog mwy o bobl o gefndiroedd amrywiol i ystyried gyrfaoedd yn y sector. Mae'r cwrs llawn amser wedi rhedeg ers 1986 ac yn darparu myfyrwyr â'r sgiliau technegol yn ogystal â'r pwyntiau UCAS angenrheidiol i symud ymlaen at y graddau sy'n cael eu cynnig gan y conservatoires. Ers ei sefydlu, rydym wedi hyfforddi cannoedd o bobl ac yn ymfalchïo'n fawr iawn yn dilyn dilyniant eu gyrfaoedd, ac mae'r cwrs yn rhan bwysig o'r ecosystem ddawns yng Nghymru.

Dawns Gymunedol

Yn y rhaglen hon, rydym yn ymgysylltu â chymunedau – yn gyffredinol ond hefyd mewn lleoliadau penodol megis ysgolion, ysbytai a mannau eraill – i'w galluogi i ddawnsio. Rydym yn meithrin cyfranogiad a diddordeb mewn dawns, hunanfyneiant ein cyfranogwyr ac yn darparu cyfleoedd i symud gyda llawenydd lle y gallant fod yn brin. Rydym yn herio safbwyntiau traddodiadol o'r hyn y mae'n golygu i ddawnsio; boed hynny'n lle yr ydym yn dawnsio, gyda phwy yr ydym yn dawnsio, neu sut olwg



sydd ar fynegiant artistig. Mae'n mynd y tu hwnt i berfformio mewn lleoliadau theatr traddodiadol ac yn cwmpasu rhestr o ffyrdd amgen o fynegiant artistig sy'n tyfu o hyd.

Hyfforddiant Cymru Gyfan

Mae ein Rhaglen Hyfforddiant Cymru Gyfan yn ceisio ysbrydoli a chynnal dawns gymunedol yng Nghymru drwy ddarparu hyfforddiant i unrhyw gyfranogwr sector mewn ffordd strategol, sy'n ymateb i anghenion yr ecoleg dawns. Mae'n mynd i'r afael ag anghenion cymorth a datblygiad ymarferwyr dawns gymunedol llawrydd o fewn cyd-destun ehangach y tirlun dawns gymunedol ledled Cymru. Trwy'r rhaglen hon, rydym yn cyfrannu at ddatblygu gweithlu'r sector dawns a gwell darpariaeth dawns gymunedol drwy gynnig cyfleoedd amrywiol, rheolaidd a pherthnasol i ymarferwyr dawns ar bob cam o'u taith gyrfa.

Perfformiad a chyflawniadau

Gwaith cymunedol

Yn ystod 2023-2024 cynhaliwyd 1,672 o sesiynau a fynychwyd gan 15,451 o gyfranogwyr yn gorfforol a 531 a oedd yn mynychu yn rhithwir. Roedd cwmpas y gwaith cymunedol a gynhaliwyd gennym yn cynnwys gweithio gyda phobl ifanc mewn ysgolion ac yn ein stiwdios dawns wedi'u lleoli yng nghalon Adamsdown yng Nghaerdydd. Yn ogystal â hyn, rydym wedi cynnig rhaglenni ardderchog a gwerthfawrogwyd yn fawr mewn cartrefi gofal ac ysbytai, sesiynau ar-lein ar gyfer pobl yn gwella ar ôl gyflyrau meddygol difrifol, ac ein dosbarthiadau rheolaidd i oedolion yn Stiwdios Rubicon Dance.

Roedd y gwaith a wnaethom mewn sesiynau mewn ysbytai yn cynnwys niwroseiciatreg, anafiadau i'r ymennydd, adsefydlu wedi strôc, gwasanaethau iechyd meddwl i'r henoed, a meddygaeth integredig ar gyfer cleifion gyda dementia a dryswch. Hefyd roeddem yn parhau i weithio gyda chyfranogwyr gydag anabledau o bob oedran gan gynnig ystod o sesiynau wedi'u cynllunio i fod yn addas i anghenion a gallu'r cyfranogwyr.

Gwaith gyrfa ac addysg

Cyflwynwyd 436 sesiwn seiliedig ar gwricwlwm i 19 ysgol yn 2023-2024 a fynychwyd gan 857 o ddisgyblion gyda ffigur mynychu o 7,998. Dros y flwyddyn ddiwethaf roeddem y falch i gael 19 o bobl ifanc drwy eu TGAU Dawns a 15 mwy drwy'r rhaglen BTEC. Roedd ein sioe diwedd y flwyddyn yn arddangosfa ragorol o sgiliau a chreadigrwydd y bobl ifanc anhygoel hyn a chafodd dderbyniad da gan bawb a fynychodd. Mae *The Leverhulme Trust* wedi parhau i gefnogi rhaglen Rubicon i ganfod talent gan weithio'n uniongyrchol gydag ysgolion uwchradd – mae'r rhaglen yn darparu hyfforddiant dawns o ddwysedd uchel er mwyn annog mwy o bobl o gefndiroedd amrywiol i ystyried gyrfaedd yn y sector.

Rhaglen Hyfforddiant Cymru Gyfan

Mae Rubicon wedi parhau i ddod â chymuned dawns broffesiynol Cymru at ei gilydd drwy arwain ar Raglen Hyfforddiant Cymru Gyfan a chynnal cyfarfodydd strategaeth a rhwydwaith rheolaidd ledled Cymru. Cynigwyd 96 o sesiynau wedi'u mynychu gan dros 500 o gyfranogwyr proffesiynol, gyda Fforymau Ymarfer a rennir ochr yn ochr â sesiynau Cymorth Lles ac Ymarfer Creadigol un-i-un ychwanegol, sesiynau iaith Gymraeg wedi'u hanelu at hybu hyder mewn defnyddio'r Gymraeg o fewn lleoliadau dawns a chyfres Siaradwyr Gwadd sy'n edrych ar bobl allweddol sy'n gweithio yn ecoleg dawns Cymru..

Mae cyrhaeddiad eang Rhaglen Hyfforddiant Cymru Gyfan wedi ein galluogi ni i gysylltu ag ymarferwyr dawns ar draws y wlad, gan gynnwys Y Fenni, Bangor, Caernarfon, Caerffili, Caerdydd, Aberteifi, Caerfyrddin, Ceredigion, Arberth, Castellnedd, Casnewydd, Port Talbot, Powys, Rhondda Cynon Taf, Abertawe a Bro Morgannwg.

Rhai o'r adborth a gawsom yn 2023-2024

"Mae pobl yn gallu anghofio am eu hanableddau, anghofio am eu poen. Mae yna ddihangddo ynddo. Mae cerddoriaeth wedi'i gwifro'n ddwfn er waethaf anaf i'r ymennydd ac mae cymryd rhan y eu gwneud nhw'n hapus"

- *Aelod Staff GIG*

"Gyda WWTP, mae'r dull o weithredu yn hollgynhwysol.... Dim ots beth yw'ch oedran neu brofiad mae yna ryw beth i bawb. ... Mae'r sesiynau hyn yn rhoi cyfleoedd i weithwyr llawrydd ... (ac).. maen nhw'n gwrando ar yr hyn sydd angen arnon ni ac yn gwneud popeth a allan nhw i gynnig adnoddau..."

- *Cyfranogwr, Rhaglen Hyfforddiant Cymru Gyfan.*

"Des i o hyd i Rubicon pan oeddwn i'n 17 oed ac wedi cyrraedd croesffordd am ba lwybr i gymryd. Cefais groeso cynnes gan Rubicon a oedd yn fy meithrin drwy rai o'r blynyddoedd mwyaf pwysig o ddatblygiad i artist uchelgeisiol ifanc. Yn Rubicon, cafodd fy unigolrwydd ei ddathlu, cafodd fy nghreadigrwydd ei herio ac enillais y dechneg a gwybodaeth i sicrhau lle yn ysgolion dawns galwedigaethol lefel gradd.

Ers imi raddio rydw i wedi teithio'r byd yn perfformio. Rydw i wedi dawnsio ar daith y byd y *Queen Mary 2* urddasol, wedi perfformio ar hysbysebion a chyfresi teledu, wedi dawnsio yn nhŷ opera brenhinol Dubai, a dros y 3 mlynedd diwethaf wedi bod ar daith o gwmpas y DU gyda dawnsywyr proffesiynol *Strictly Come Dancing*, gan berfformio yn y *West End* am y tro cyntaf yn 2022. Ar hyn o bryd rydw i'n gapten dawns ar daith y DU hynod boblogaidd Johannes Radebe, '*House of JoJo*' ac yn mwynhau bob eiliad. Rydw i mor ffodus fy mod i'n caru fy swydd gymaint, a byddaf i'n ddiolchgar i Rubicon am byth am wneud hyn i gyd yn bosibl"

- *Cyn-fyfyrwr BTEC*

"Dwi'n teimlo bod gen i grŵp arall o ffrindiau nawr yn eich dosbarth ac mae rhai ohonon ni wedi bod yn mynd am goffi! Diolch, Sophie, am dy frwdfrydedd ac am fynd â fy meddwl oddi wrth y poen am sbel fach! "

- *Cyfranogwr Sesiwn Cymunedol*



"Dw i erioed wedi teimlo cysylltiad mor gryf â dawns ledled Cymru ag ydw i drwy Raglen Hyfforddiant Cymru Gyfan"

- *Cyfranogwr*

"Mae dod i ddawnsio yn wych. Mae'n dda i'r ymennydd, gwrthsefyll unigedd, gydag athro anhygoel sydd wastad yn gwenu "

- *Cyfranogwr Sesiwn Cymunedol*

"Efallai bydd gan gleifion wendid corfforol, efallai bod nhw wedi colli'i leferydd neu'n ddi-eiriau. Mae'r sesiynau yn rhoi 'llais' iddyn nhw ac maen nhw'n gallu dangos eu personoliaeth"

- *Aelod staff GIG*

Disgrifiad Swydd

Teitl Swydd: Cydlynnydd Gwirfoddolwyr

Rhan-amser (17.5 awr yr wythnos)

Cyflog: £28,000 y flwyddyn pro rata (£14,000 y flwyddyn)

Yn adrodd i: Rheolwr Gweithrediadau

Yn gyfrifol am: Gwirfoddolwyr

Pwrpas cyffredinol y rôl hon:

Mae'r Cydlynnydd Gwirfoddolwyr yn gyfrifol am ddatblygu, cydlynu a chefnogi rhaglen wirfoddolwyr o safon uchel o fewn Rubicon Dance er mwyn sicrhau bod gwirfoddolwyr yn cael eu cynnwys yn effeithiol ar draws pob maes o'r sefydliad. Byddwch yn goruchwylio recriwtio, cynefino, hyfforddi a chefnogi gwirfoddolwyr yn barhaus, gan sicrhau eu bod yn hyderus, yn wybodus ac yn meddu ar yr adnoddau i gyfrannu'n ystyrlon at waith Rubicon o fewn yr adeilad ac mewn lleoliadau allanol.

Cyfrifoldebau Allweddol

- Datblygu a chydlynu rhaglen wirfoddolwyr Rubicon Dance, gan gynnwys ehangu cyfleoedd gwirfoddoli i gefnogi ystod ehangach o anghenion sefydliadol a mwy o amrywiaeth ymhlith buddiolwyr cymunedol.
- Cynllunio, paratoi a goruchwyllo cyfranogiad gwirfoddolwyr ar draws rhaglen a gweithrediadau'r elusen, yn y stiwdios ac mewn gweithgareddau allanol, yn unol ag amcanion a safonau ansawdd Rubicon, gan sicrhau bod adnoddau'n cael eu rheoli'n effeithiol.
- Hwyluso profiadau gwirfoddoli cadarnhaol ac ystyrion, gan sicrhau bod gwirfoddolwyr yn cael hyfforddiant, arweiniad a chefnogaeth briodol i gyfrannu'n effeithiol mewn amrywiaeth o rolau, yn unol ag arfer gorau wrth reoli gwirfoddolwyr ac ymgysylltiad cymunedol.
- Cydlynu a goruchwyllo gwaith gwirfoddolwyr, gan sicrhau cyfathrebu clir a dosbarthu tasgau priodol, cydnabyddiaeth a gwobrau addas, a datrys unrhyw faterion sy'n codi yn brydlon.
- Goruchwyllo prosesau monitro a gwerthuso effeithiol ar draws y rhaglen wirfoddolwyr, gan gasglu adborth, data effaith a thueddiadau cyfranogiad, a llunio diweddariadau ac adroddiadau priodol ac amserol i gyllidwyr, partneriaid a rhanddeiliaid eraill.
- Gweithio gyda'r Gweinyddwr i sicrhau gweinyddu effeithiol o holl weithgaredd gwirfoddoli, gan gynnwys cyfathrebu â gwirfoddolwyr, paratoi contractau, sicrhau bod asesiadau risg a gwiriadau diogelwch priodol wedi'u cwblhau, a chynnal manylion cyswllt cyfredol ar gyfer unigolion allweddol, asiantaethau a grwpiau'r sector gwirfoddol
- Nodi cyfleoedd newydd ar gyfer datblygu'r rhaglen a gweithio i'w sicrhau, gan gynnwys drwy ddatblygu a chyflwyno ceisiadau grant mewn cydweithrediad â'r Cydlynnydd Codi Arian ac aelodau eraill o dîm Rubicon
- Cynrychioli Rubicon mewn fforymau priodol yng Nghaerdydd a thu hwnt, gan ddatblygu cysylltiadau newydd a chydweithio gyda sefydliadau cymunedol, partneriaid y trydydd sector, gwasanaethau cyhoeddus a rhwydweithiau ledled Cymru i gryfhau cyfranogiad gwirfoddolwyr.
- Darparu cefnogaeth ymarferol a chyngor ynghylch gwirfoddoli i aelodau eraill o staff a chyfrannu at drafodaethau cynllunio busnes o safbwynt gwirfoddoli
- Ymgymryd â phrosiectau ychwanegol yn ôl y galw sy'n cydfynd â blaenoriaethau'r sefydliad ac ymarfer arbenigol, a darparu cefnogaeth hyblyg i ddigwyddiadau, rhaglenni a gweithgareddau ar draws Rubicon lle mae angen cyfranogiad gwirfoddolwyr.

Byddwch Yn

- Gallu gweithio'n effeithiol ar eich menter eich hun a rheoli eich llwyth gwaith eich hun
- Dangos parodrwydd i ddysgu ac addasu i sgiliau newydd sy'n gysylltiedig â'r rôl
- Bod yn hyblyg ac addasadwy, ac yn teithio yn ôl yr angen i gyflawni'r rôl
- Perchen ar gar ac yn yrrwr gyda thrwydded ddilys ac yswiriant ar gyfer defnydd busnes; neu fod â mynediad dibynadwy at drafnidiaeth gyhoeddus neu breifat addas; a bod yn barod i gludo eitemau sydd eu hangen i gyflawni'r rôl
- Bod yn barod ac yn gallu gweithio gyda'r nos ac ar benwythnosau pan fo angen, yn enwedig yn ystod digwyddiadau neu weithgareddau a arweinir gan wirfoddolwyr
- Cynnal gwerthoedd y sefydliad a chefnogi ein nodau, yn fewnol ac yn allanol
- Cynnal ymddangosiad smart a phroffesiynol bob amser wrth weithio i'r sefydliad
- Cyflawni unrhyw weithgareddau neu ddyletswyddau eraill fel y bo'n ofynnol gan y sefydliad

Manyleb y person

Mae'r fanyleb hon yn cynnwys y profiad, sgiliau, ayb, sydd yn ofynnol i ymgymryd â dyletswyddau a chyfrifoldebau'r swydd yn effeithiol (fel yr amlinellir yn ddisgrifiad y swydd) a hon bydd sylfaen y detholiad.

Gofynion	Hanf odol	Dym unol
Addysg a Chymwysterau		
Gradd Baglor mewn pwnc perthnasol neu brofiad proffesiynol cyfatebol		✓
5 TGAU ar radd 4 neu uwch, gan gynnwys Saesneg a Mathemateg	✓	
Cymhwyster addysgu neu hyfforddi perthnasol neu brofiad proffesiynol cyfatebol		✓
Cymhwyster rheoli prosiectau neu brofiad proffesiynol cyfatebol		✓
Cymhwyster diogelu neu achrediad blaenorol		✓
Cymhwyster iechyd a diogelwch neu achrediad blaenorol		✓
Profiad		
Profiad o gydlynu a chefnogi gwirfoddolwyr neu weithio mewn amgylchedd sy'n canolbwyntio ar wirfoddolwyr	✓	
Profiad o weithio yn y sector cymunedol neu mewn lleoliadau eraill sy'n delio â'r cyhoedd	✓	
Profiad o gynnal cofnodion, amserlenni neu systemau gweinyddol	✓	
Profiad o ddarparu sesiynau cynefino, hyfforddi neu weithgareddau dysgu grŵp		✓
Profiad o reoli cyfryngau cymdeithasol a chyfathrebu digidol		✓
Sgiliau, gwybodaeth a galluoedd		
Sgiliau cyfathrebu a rhyngpersonol rhagorol	✓	
Sgiliau trefnu a rheoli prosiect rhagorol	✓	
Brwdfrydedd amlwg dros gefnogi eraill i ddatblygu a ffynnu, gan ddangos empath i ac amynedd i feithrin amgylchedd gwirfoddoli cadarnhaol a chefnogol	✓	
Gallu gweithio'n annibynnol ac yn dda o fewn tîm	✓	
Gwybodaeth, dealltwriaeth a phrofiad o weithio mewn partneriaeth yn y sector cymunedol	✓	
Deall cyfrifoldebau diogelu	✓	
Y gallu i siarad Cymraeg neu barodrwydd i ddysgu		✓

Bwriedir fod y disgrifiad swydd hwn yn arwydd amlinellol o feysydd cyffredinol o weithgaredd a all gael ei ddiwygio yng ngoleuni newidiadau i anghenion Rubicon. Disgwylir y bydd deiliad y swydd mor gadarnhaol a hyblyg â phosib wrth ddefnyddio'r ddogfen hon fel fframwaith.

